

Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuissimiè explicantur

Gavanti, Bartolommeo

Antverpiæ, 1646

De Oratione. XVI.

urn:nbn:de:hbz:466:1-40233

Epistolarum Missæ , sicuti Capitula Tertiæ initia Epistolarum, & Capitula Nonæ terminationes Epistolarum. Sed tempore Aduentus & Quadragesimæ quælibet Hora habet suum Capitulum pro toto tempore, ut dicemus suo loco.

9 Sumi verò debent ex Scriptura sacra, Radulph. *loco citato*, & de corde recitari, ait S. Benedict. in *Regula*. his enim Dei laudem agimus, & pronuntiamus , Radulph. *Propos. 8.* exhortamur nosmetipso & alios audientes, qui opere bono respondent; quod significat Responsoriū breue, Hugo in *Spec. cap. 3.* excitamus etiam deuotionem contra tedium, Duran. *loco citato*.

10 Discordant aliquando à textu vulgato sacrorum Bibliorum; quibus in casibus sufficit auctoritas S. Romanæ Ecclesiæ, de qua S. Bernard. *Ser. 3. Vigil. Natiuit.* hæc habet: Cùm Ecclesia , inquit , in Scripturis diuinis verba vel alterat, vel alternat, fortior est illa compositio quām positio prima verborum : & fortassis tantò fortior, quantum distat inter figuram & veritatem, inter lucem & umbram, inter Dominam & ancillam. Hæc ille. quæ notanda sunt pro casibus pluribus in Missali & Breuiario, si nulla alia suppetit ratio.

11 Semel in Officio Capitulum dicitur ante Hymnum, hoc est, in Completorio . cuius causam dedimus ex Hugo sup. *Section. 4. cap. 6. num. 8.* pag. 60. & *Deo gratias* in fine respondeatur. Vide causas *suprà cap. 12. numero 20. pag. 88.*

12 Omittuntur Capitula in triduo maioris Hebdomadæ , & in Officio Defunctorum; & suo loco afferentur causæ.

De Oratione. CAP. XVI.

1 **V**ica Oratio pro omnibus Horis communius habetur, ait Radul. *Prop. 13.* quæ novissimum locum in Horis Canonicis tenet, ex antiquo Ecclesiæ ritu , ait Amalar. *lib. 4. cap. 45.* vt vñusquisque tali scuto, id est communi oratione rediens ad fina , muniatur contra omnia aduersa : vel , ex Hugo in *Spec. cap. 3.* vt diuina gratia , quæ actiones nostras præcessit, eadem ipsa subsequatur.

2 Eam dici in fine iussit Conc. Agathen. de *Confiscr. Dist. 15. cap. Connexit.* quæ solet esse breuis, ne multum loquentes oremus, *Math. 6.*

3 Composuit Ambrosius plurimas, ex Gemma *lib. 1. cap. 87.* à Gelasio Papa auctæ & limata fuerunt, ex Siegeb. *ad ann. 487.* à S. Gregorio collectæ & distributæ , additis alijs , ex Walafr. *de Rebus Eccl. cap. 22.* atque Orationem concordare semper cum Officio & Evangelio S. Gregorij opera; assertit aperte Microl. *cap. 61.* nos certè Ambrofianis non paucis Orationibus utimur , vt suis locis indicabimus. Concilium verò Carthaginense , seu, vt alij, Africarum, *can. 70.* & Mileuit. *cap. 12.* quibus aderat S. Augustinus, reiiciunt non probatas Orationes à Missa, & consequenter ab Officio diuino; cui, & Missæ regulariter communis est Oratio.

4 Prima & Completorium retinent easdem Orationes, ob causam allatam *suprà Sect. preced. pag. 56. num. 12.* vbi de Horis egimus. Reliquæ Horæ eadem concluduntur Oratione.

5 Ante Orationem dicitur, etiam ab eo qui recitat solus, *Dominus vobiscum*, vt fusè probat P. Damiani in

M 3 Opuscu-

94 Comment. in Rubr. Breuiatij. Sect. V. Cap. XVI.

Opusculo de Dominus vobiscum; & præcertum cap. 4. intendere namque debet, se loqui cum Ecclesia, ut monet Nauar. in *Miscellan. 67. de Orat. numero 5.*

6 Quæ verba à Dion. *de Eccl. Hier.* appellantur diuinissima salutatio, desumpta ex libro Ruth cap. 2. & 2. *Paralip.* 15. cuius efficacia ab ipso Christo est, qui dixit *Matt. vlt.* Ego vobiscum sum. quam & Apostoli introduxerunt, *ex Concil. Braccaren. I. cap. 21.* Decretoque firmauit vel Clemens, ex Gemma lib. 1. cap. 87. vel Anacletus, ex Hugone lib. 2. cap. 11. vel eterque, ex Radulph. *Propos. 23.* sensus autem est: Dominus in vobis maneat, & petitionibus vestris effectum tribuat, Duran. lib. 4. cap. 14. vel, Sacerdos se habere pacem cum toto Clero & populo docet, ex P. Damiani *loco citato*; vel dicitur ad excitandam animorum attentionem ad Orationem, Rupert. lib. 1. *de Offic. cap. 31.* Dicitur etiam Dominus, non Deus; vel Christus; quia Dominus potestatem significat, Turrecrem. *in cap. Jacobus. de Conf. Diff. 1.* Hæc ferè eadem, & quæ sequuntur proximè, in priori Tomo; quæ tamen & hoc loco videntur opporenta.

7 Subditur statim, *Et cum spiritu tuo*, quasi alij optent Sacerdoti, quod ipse alijs optat, ex Floro *in Expositione Missæ*. quod est desumptum ab Apostolo 2. *Timoth. vlt.* neque dicitur *tecum*, sed *spiritu tuo*; quia spiritualiter Officia Ecclesiastica fiunt, ex P. Damiani *Opusc. cit. cap. 3.* vt nimirum unus sit affectus omnium, Amal. *libro 2. cap. 9.*

8 Non dicitur *Dominus vobiscum* nisi à Sacerdote, & Diacono, absente Sacerdote, vel non nisi de illius li-

centia: quod & docet Nauar. in *Miscell. de Orat. 67. nu. 3.* ex recepta consuetudine, quam testatur Durand. *libro 4. cap. 14.*

9 Excommunicatus autem Sacerdos non potest vti hac salutatione; etiam in priuata Officij recitatione; quia pertinet ad dignitatem Ordinis, qua ille indignus effectus est, Nauar. *de Orat. cap. 7. num. 16.* & fuisus Steph. Duran. lib. 3. *de Ritib. cap. 22.*

10 Qui non potest vti prædicta salutatione, dicat, *Domine exaudi orationem meam*, &c. cuius meminit Radul. *Propos. 20.* tamquam rei tunc etiam vñitatem. Docet Nauarrus in *d. Miscell. num. 6.* quando occurunt Preces, quarum finis est per Versum, *Domine exaudi orationem*, &c. non debere dici bis hunc Versum, sed semel tantum, ad vitrandam battologiam.

11 Additur *Oremus* ante publicam Orationem, ex August. *Epist. 106. ad Vitaliem*, vt inuitentur alij ad orandum.

12 Repetitur post orationem salutatio prædicta, *Dominus vobiscum*, ait Hugo *lib. 2. cap. 4.* sicut Christus dixit semel & iterum Apostolis: *Pax vobis.* Sacerdos enim dicens Orationem vicem Christi gerit, & idè regulariter stans eam dicit, ex Amalar. *lib. 4. cap. 4.* sed & ob memoriam futuræ resurrectionis stans eam pronuntiat, idem *cap. 7.*

13 Concluditur Oratione varijs modis, vt in Rubr. *de Oratione num. 4.* & vt plurimum per Christum; quia vt plurimum dirigitur oratio ad Patrem, *Matt. 6.* & *Ioan. 16.* tum ex Decreto Carthag. Conc. *cap. 23.* Rarè ad Filium dirigitur, & non antiquitus, vt notat Bellarmine *de Missa lib. 2. c. 16.* quod factum est deinde, vt ipse quoque Filius creditur Deus. Numquam dirigit-

dirigitur ad Spiritum sanctum, quia donum Dei est, & à dono non petitur donum, sed à donatoribus, à quibus ille procedit, Duran. lib. 4. cap. 15. Prout ergo dirigitur Oratio, sit etiam conclusio, ut concinat sensui Orationis ultimæ, quando plures iunguntur simul, Nauarr. de Orat. cap. 19. num. 169.

14 Hoc autem est commune omnibus conclusionibus, ut semper in ijs fiat mentio sanctissimæ Trinitatis; ut intelligamus nullum fieri præaudi-
cium reliquæ diuinis personis, quæ in Oratione taceri videntur, dum consummatio ostendit, nullum esse discrimen in Trinitate. Ita Fulgent. lib. 2. ad Monimum quest. 1. In unitate Spiritus sancti Deus, non esse præponen-
dam vocem Deum, ex Romana aucto-
ritate, tradit Radulph. Propos. 23. &
in fine additur Amen, ut communem
Orationem, quam Sacerdos recitat,
omnes confirment, idem ibidem. Me-
minit huius ritus respondendi Amen
in fine August. Tract. 41. in Ioan. &
Epist. 178. qua vox Hebraea est, signi-
ficans, quod apud nos, Fiat, in preca-
tionibus usurpata ab Apostolis, 1. Cor-
inth. 14. numquam mutata, neque à Græcis,
neque à Latinis. Origenes Tract. 35. in Matth. cum Ambrosio
de Iis qui initiantur mysteriis lib. 1.
cap. 9. explicat Amen, hoc est, Verum
est: qua ratione concordat Amen cum
Orationis potius conclusione, quam
cum oratione ipsa; quasi affirmetur,
verum esse, regnare Deum in unitate
Spiritus sancti, Innocent. III. lib. 2.
de Myster. Missæ cap. 26.

15 Quando plures in Officio di-
cuntur Orationes, si quid inter eas in-
tercedit, puta Antiphona pro com-
memoratione, ad singulas Orationes præ-

mittitur Oremus, ut rursus invitatio
fiat ad orandum: quando una imme-
diatè aliam sequitur, ut in Litanij,
non dicitur Oremus, nisi ad primam;
quia Oratio non interrumptur, sed
veluti una continuatur.

16 Prima Oratio concluditur in
Laudibus & Vesperis; quia est princi-
palis, ad quam dirigitur torum Offi-
cium. Ultima item concluditur, quia
colligit medias, & sua conclusione
præcedentes firmat.

17 Si Oratio pro commemoratione
sit eadem cum Oratione principali
Officij, mutatur Oratio pro com-
memoratione, ne eadem repetatur: quo d
facile contingit in commemoratione
Patroni loci, seu Titularis Ecclesiæ, de
Communi sumpta Oratione.

De Precibus, & Confessione.

C A P. X V I I.

1 **P**reces hoc loco sunt aliqui
versus, qui aliquando di-
cuntur ante Orationem, in-
cipientes à Kyrie eleison, vel à Pater
noster: quarum meminit Amalar. lib. 3.
cap. 6. Ante Orationem, inquit, specia-
lem Sacerdotum necesse est præcedere
misericordiam Dei; ideo dicitur Ky-
rise eleison. Ter dicitur ad Trinitatem,
Amalar. lib. 3. cap. 2.

2 A Græcis compositas fuisse pri-
mùm scribit Isid. lib. 1. de Offic. cap. 9.
vnde retinentur primæ voces Græca-
nicæ, Kyrie eleison, quæ significant,
Domine miserere.

3 Multiplicantur Preces ad Pri-
mam & Completorium, ut per diem
à malis imminentibus defendamur,
Hugo in Spec. cap. 3. & humilita-
tem indicant, quæ in principio & fi-
ne diei conuenit, idem ibidem. Dicun-
tur